

顧氏文房小說

顧氏文學小說

顧氏文房
小說

青山樓
黃

五聖品百一
通考樓閣

顧氏文房小說

目錄

古今注三卷

晉崔豹

隋唐嘉話三卷

唐劉餗

周秦行紀

唐牛僧孺

南岳魏夫人傳

博異志

唐谷神子

楊太真外傳二卷

宋樂史

臥游錄

宋呂祖謙

山家清事

宋林洪

明道雜志

宋張耒

宜齋野乘

宋吳枋

松窗雜錄

唐李潛

柳氏舊聞

唐李德裕

芥隱筆記

宋龔頤正

艾子雜說

宋蘇軾

梅妃傳

唐曹鄴

集異記二卷

唐薛用弱

虬髯客傳

唐杜光庭

資暇集三卷

唐李匡乂

幽閑鼓吹

唐張固

小爾雅

漢孔鮒

葆光錄三卷

宋龍明子

洛陽名園記

宋李格非

趙飛燕外傳

漢伶玄

高力士外傳

唐郭湜

開元天寶遺事二卷

五代王仁裕

續齊諧記

梁吳均

海內十洲記

漢東方朔

卓異記

唐李翱

松漠記聞二卷

宋洪皓

漢武帝別國洞冥記四卷

漢郭憲

白猿傳

碧雲馱

宋梅堯臣

劉賓客嘉話錄

唐韋絢

嘯旨

文錄

宋唐庚

深雪偶談

宋方嶽

詩品三卷

梁鍾嶸

本事詩

唐孟榮

德隅齋畫品

宋李廌

鼎錄

梁虞荔

古今註卷目

卷上

輿服第一

都邑第二

卷中

音樂第三

鳥獸第四

魚蟲第五

卷下

草木第六

雜註第七

問答釋義第八

古今注上

崔豹字正熊

輿服第一

大駕指南車起黃帝與蚩尤戰於涿鹿之野蚩尤作大霧兵士皆迷於是作指南車以示四方遂擒蚩尤而卽帝位故後常建焉舊說周公所作也周公治致太平越裳氏重譯來貢白雉一黑雉二象牙一使者迷其歸路周公錫以文錦二疋駟車五乘皆爲司南之制使越裳氏載之以南緣扶南林邑海際暮年而至其國使大夫

宴將送至國而還亦乘司南而背其所指亦暮
年而還至始制車轄轄皆以鐵還至鐵亦銷盡
以屬巾車氏收而載之常爲先導示服遠人而
正四方車灋具在尚方故事漢末喪亂其灋中
絕馬先生紹而作焉今指南車馬先生之遺灋
也

馬鈞曹
魏時人

大章車所以識道里也起於西京亦曰記里車
車上爲二層皆有木人行一里下層擊鼓行十
里上層擊鐃尚方故事有作車灋

辟惡車秦制也挑弓韋矢所以袂除不祥也

豹尾車周制也所以象君子豹變尾言謙也古
軍正建之今唯乘輿得建焉

金斧黃鉞也鐵斧玄鉞也三代通用之以斷斬
今以金斧黃鉞爲乘輿之飾玄鉞諸王公得建
之武王以黃鉞斬紂故王者以爲戒太公以玄
鉞斬妲己故婦人以爲戒漢制諸公亦建玄鉞
以太公秉之助武王斷斬故爲諸公之飾焉大
將軍出征特加黃鉞者以銅爲之黃金塗刃及
柄不得純金也得賜黃鉞則斬持節將也

鍠秦改鐵鉞作鍠始皇制也一本云鍠秦制也

今乘輿諸公王妃主通建之也

麾所以指麾武王右執白旄以麾是也乘輿以黃諸公以朱刺史二千石以纁

五輅衡上金爵者朱雀也口銜鈴鈴謂鑾所謂和鑾也禮記云行前朱鳥鸞也前有鸞鳥故謂之鸞鸞口銜鈴故謂之鑾鈴今或爲鑾或爲鸞事一而義異也

車輻棒也漢朝執金吾金吾亦棒也以銅爲之黃金塗兩末謂爲金吾御史大夫司隸校尉亦得執焉御史校尉郡守都尉縣長之類皆以木

爲吾焉用以夾車故謂之車輻一曰形似輻故謂之車輻也

祭戟父之遺象也詩所謂伯也執父爲王前驅及前驅之器也以木爲之後世滋僞無復興刑以赤油韜之亦謂之油戟亦謂之祭戟公王以下通用之以前驅信幡古之徽號也所以題表官號以爲符信故謂爲信幡也乘輿則畫爲白虎取其義而有威信之德也魏朝有青龍幡朱鳥幡玄武幡白虎幡黃龍幡五而以詔四方東方郡國以青龍幡南方郡國以朱鳥幡西方郡

國以白虎旛北方郡國以玄武旛朝廷畿內以黃龍旛亦以騏驎旛高貴鄉公討晉文王自秉黃龍旛以麾是也今晉朝唯用白虎旛信旛用鳥書取其飛騰輕疾也一曰以鴻鴈燕乙者去來之信也

重耳古重較也文官青耳武官赤耳或曰重較在軍車藩上重起如牛角故云重較耳

襍衣廝役之服也取其便於用耳乘輿進食者服襍衣前漢董偃綠幘青鞵加襍衣以見武帝厨人之服也

伍伯一伍之伯也五人曰伍五長爲伯故稱伍伯一曰戶伯漢制兵吏五人一戶竈置一伯故戶伯亦曰火伯以爲一竈之主也漢諸公行則戶伯率其伍以導引也古兵士服韋弁今戶伯服赤幘纁衣素韎弁之遺法也

唱上所以促行徒也上鼓而行節也

警蹕所以戒行徒也周禮蹕而不警秦制出警入蹕謂出軍者皆警戒入國者皆蹕止也故云出警入蹕也至漢朝梁孝王王出稱警入稱蹕降天子一等焉一曰蹕路也謂行者皆警於塗